

Na osnovu člana 4.2 Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05), na sjednici Državne regulatorne komisije za električnu energiju, održanoj 18. maja 2022. godine, donijeta je

ODLUKA

O ODOBRAVANJU UKIDANJA MAKSIMALNO MOGUĆE SNAGE PRIHVATA IZ NEUPRAVLJIVIH IZVORA ENERGIJE

1. Odobrava se prijedlog ukidanja maksimalno moguće snage prihvata iz neupravljivih izvora energije u elektroenergetski sistem Bosne i Hercegovine sa stanovišta mogućnosti regulacije sistema, utvrđen dokumentom Nezavisnog operatora sistema u Bosni i Hercegovini (NOS BiH) broj 473-1/22.
2. Obavezuje se NOS BiH da kontinuirano, a najmanje jednom godišnje, izvještava Državnu regulatornu komisiju za električnu energiju (DERK) o svim aspektima primjene ove Odluke, uključujući raspoloživost regulacionih rezervi, status regionalnih inicijativa i projekata Evropske mreže operatora prijenosnog sistema za električnu energiju (ENTSO-E) koji se odnose na prekograničnu razmjenu regulacione energije, te ekonomsko-finansijske aspekte integracije neupravljivih obnovljivih izvora električne energije u elektroenergetski sistem BiH.
3. Obavezuje se Elektroprijenos Bosne i Hercegovine da po isteku kalendarske godine dostavlja DERK-u sažetak Registra podnijetih zahtjeva korisnika za priključak na prijenosnu mrežu sa zbirnim podacima o priključnoj snazi i broju zahtjeva datim po tehnologijama i fazama priključenja, te ažurirani pregled svih objekata priključenih na prijenosnu mrežu.
4. Pozivaju se i druge institucije da, u okvirima svojih nadležnosti, preduzimaju aktivnosti koje su usmjerene na povećanje proizvodnje iz obnovljivih izvora električne energije.
5. Stupanjem na snagu ove Odluke prestaje da važi Odluka o odobrenju maksimalno moguće snage prihvata iz neupravljivih izvora energije ("Službeni glasnik BiH", broj 56/20).
6. Ova Odluka stupa na snagu danom donošenja, a bit će objavljena u "Službenom glasniku BiH", službenim glasilima entiteta i Brčko Distrikta Bosne i Hercegovine.

Broj: 05-28-13-123-2/22

18. maj 2022. godine

Tuzla

